

根本說一切有部苾芻尼毗奈耶卷第二十

唐三藏法師義淨奉制譯

機

以胡麻滓及水揩身學處第一百六十八

緣處同前如是應知以胡麻滓及使他以水
揩身二戒准前問答結罪無異

先未容許輒問學處第一百六十九

緣處同前時有苾芻持四阿笈摩詣尼寺中
諸尼設座苾芻便坐吐羅難陀作如是念此
解四阿笈摩我今試問即便詰問苾芻不能
答所問義深懷羞恥尼即報言虛道持經如
鳥亂響無所詮表徒費心力尼聞是語合衆
皆嫌共白苾芻苾芻白佛佛問吐羅難陀汝
實如此不求容許輒問苾芻答言實爾世尊
呵責廣說乃至制其學處應如是說
若復苾芻尼不求容許輒詰問者波逸底迦

尼謂吐羅難陀等不求容許輒爲詰問者謂
先未諮請輒爲申問難問者謂問佛所說義
聲聞說義釋罪相等廣說如前

然諸苾芻尼我今爲說請問之法若苾芻來
先須設座虔恭敬禮善言慰問聖者頗習阿

笈摩經及論律等皆誦持不唯願聽許少有
所問彼許者問若不許者莫問若違此者得
惡作罪

著俗莊嚴具學處第一百七十

緣處同前時吐羅難陀尼因行乞食入婆羅
門長者家見長者妻著諸瓔珞俗莊嚴具尼
便從借用自嚴身問言我今端正可樂有妙
相不他便譏言徒剃頭髮爲禿沙門女猶被
欲纏尼白苾芻苾芻白佛佛問吐羅難陀汝
實如此著俗莊嚴具答言實爾世尊呵責廣

說乃至制其學處應如是說

若復苾芻尼著俗莊嚴具者波逸底迦
尼謂吐羅難陀等著俗莊嚴具者謂著諸瓔
珞環珮耳璫等釋罪相等廣說如前

第十八攝頌曰

相牽舞歌樂 獨出大小行 刷箋梳三假

墮罪百八十

相牽洗浴學處第一百七十一

緣處同前時十二衆苾芻尼以手相牽於阿
氏羅河而爲洗浴互相掉戲以水潰灑婆羅
門長者見已譏嫌此非寂靜剃髮出家沙門
女法尼白苾芻尼白佛佛問尼衆汝等實
如此以手相牽河中洗浴答言實爾世尊呵
責廣說乃至制其學處應如是說
若復苾芻尼以手相牽河中洗浴者波逸底

迦

尼謂十二衆等以手相牽而洗浴者謂互相
執手入河水中釋罪相等廣說如前
自舞教他舞學處第一百七十二

緣處同前時吐羅難陀尼行乞食入他家長
者妻言聖者教我作舞尼即教他復告彼曰
汝等家中若嫁娶時生男誕女有歡會時如
是應舞人皆譏嫌此禿沙門女徒自剃頭情
懷欲染皆詣尼處說其所作尼白苾芻尼白
白佛佛問吐羅難陀汝實如此教他作舞及
自作舞答言實爾世尊呵責廣說乃至制其
學處應如是說

若復苾芻尼自作舞教他作舞者波逸底迦
尼謂吐羅難陀等自作舞者謂自舞教他舞
者謂教他作釋罪相等廣說如前

唱歌學處第一百七十三

緣處同前時吐羅難陀尼詣婆羅門長者家
諸婦人言聖者教我唱歌尼便教唱俗旅見
譏如前所說尼白苾芻苾芻白佛佛問吐羅
難陀汝實如此教他唱歌答言實爾世尊呵
責廣說乃至制其學處應如是說

若復苾芻尼唱歌者波逸底迦

尼謂吐羅難陀等作樂者謂作音聲絃管釋
罪相等廣說如前

獨於空宅大小便學處第一百七十五
緣處同前時珠髻難陀苾芻尼獨出寺外於
空閑處爲大小行時有耽色男子見尼入此
即來捉尼欲行非法尼曰放我此處不淨可
於餘處男捉尼行求淨處既至露處尼便大
叫男子惶怖放尼告言此禿沙門女多虛少
實喚我將來反自號叫俗旅見譏尼白苾芻

苾芻白佛佛問珠髻難陀汝實如此獨出寺
外於空閑處爲大小行答言實爾世尊呵責
廣說乃至制其學處應如是說

若復苾芻尼獨出寺外於空宅內大小行者
波逸底迦

緣處同前時吐羅難陀尼詣豪富家與其女
人歡娛相愛諸婦人言聖者教我音樂尼便
教作俗旅見譏尼白苾芻苾芻白佛佛問吐
羅難陀汝實如此教他作樂答言實爾世尊呵
責廣說乃至制其學處應如是說

尼謂珠髻難陀等獨出寺外者謂無第二尼於空宅內者謂無人住舍牆匡等中大小行者謂便轉事釋罪相等廣說如前

畜香草刷學處第一百七十六

緣處同前時吐羅難陀因乞食入他家見諸

婦人畜香草根刷梳髮嚴身時吐羅尼自畜嚴飾復告諸婦人我今極有妙相俗旅譏嫌尼白苾芻苾芻白佛佛問吐羅難陀汝實如此畜香草根刷答言實爾世尊呵責廣說乃至制其學處應如是說

若復苾芻尼畜細範者波逸底迦
尼謂吐羅難陀等畜細範者謂畜範梳釋罪相等廣說如前

畜麁梳學處第一百七十八

緣處同前尼畜麁梳制戒如上

用前三事學處第一百七十九

吐羅難陀尼用前三事制戒如上

畜假髻莊具學處第一百八十

緣處同前時吐羅難陀尼作如是念我今有何戲樂之事而猶未作遂見姪女畜假髻莊具諸耽色男子之所圍繞尼往竊問曰汝今

畜細範學處第一百七十七
若復苾芻尼畜香草根刷者波逸底迦
尼謂吐羅難陀等畜香草根刷者謂畜香草刷釋罪相等廣說如前
畜細範學處第一百七十七

云何得爲存濟彼以事意具向尼說但由假

髻衆人愛重故得存活尼作是念斯亦好計
我所須者用此而得即便作髻安於頭上嚴

飾其身同彼姪女一邊而住耽色男子來求

歡會高索價直不遺近身時有一人遂與其

價便欲抱尼姪女作念我若不告此人恐破
苾芻尼戒便即告曰且放且放我今在此男

纔放已尼持財走男隨後趁引手撮頭空髻

在手尼將物去便出大聲叫言禿沙門女行

鄙惡法誑惑世間取我衣直急走而去尼白

苾芻苾芻白佛佛問吐羅難陀汝實如此畜
假髻莊具答言實爾世尊呵責廣說乃至制
其學處應如是說

若復苾芻尼畜假髻莊具者波逸底迦
尼謂吐羅難陀等畜假髻莊具者謂畜僞頭

賜十

六

髻釋罪相等廣說如前

諸大德阿離移迦僧伽我已說一百八十波

逸底迦今問諸大德是中清淨不如是

諸大德是中清淨默然故我今如是持

第三部竟三說

第四部波羅底提舍尼法

諸大德此十一波羅底提舍尼法半月半月

戒經中說

攝頌曰

乳酪及生酥 熟酥油糖蜜 魚肉并乾脯

得法學人家

緣在室羅伐城時十二衆苾芻尼無病爲身
而行乞食從他索乳隨意而飲諸外道不信
敬長者婆羅門等共爲譏嫌諸苾芻尼非清
淨行但自養身從他索乳得便自飲誰不樂
欲精淳美味諸尼聞此俗旅譏嫌諸少欲尼

具白苾芻苾芻白佛佛問諸尼汝等如此實無有病爲已身從他乞乳便於俗家隨意而飲答言實爾世尊呵責廣說乃至制其學處應如是說

若復苾芻尼無病爲已詣白衣家乞乳若使人乞而飲用者是苾芻尼應還村外住處詣諸苾芻尼所各別告言大德我犯對說惡法是不應爲今對說悔是名對說法如是世尊爲諸苾芻尼制學處已後於異時苾芻尼病餘尼問病聖者病得損不病尼報曰我先以乳用爲飲食病得除損世尊今制不許尼乞病何能愈即以此緣白諸苾芻苾芻白佛佛言我今聽尼有病乞乳隨意當飲先制不許次復重開如上廣說乃至是名對說法除有病時

尼謂此法中尼無病爲已詣白衣家乞乳者謂身無病患從他求乳若使人乞而飲用者謂使餘人乞是苾芻尼者謂犯此學尼應還村外住處者謂往餘尼所各別告言者謂各別說悔大德我犯對說惡法者謂陳所犯罪相是不應爲者謂其非法今對說悔者謂自發露不覆藏是名對說法者謂指其事除病時者謂有患者若無病乞食者皆得惡作罪是名對說法有病者乞無患者食食者得惡作罪乞者無犯無病者乞有患者食乞者得惡作罪食者無犯爲病者乞無病者食乞者無犯食者應說悔爲病者乞病者食無犯苾芻尼乞得乳更索酪者乞者惡作食者應對說悔尼得酪更從索生酥乞者惡作食者應對說悔尼得生酥更從索熟酥得罪同前尼

得熟酥已更乞油者亦如上說尼得油已更乞沙糖罪亦同前尼得糖已更從索蜜肉同前得罪得蜜肉已更乞魚亦如上說得魚已更乞肉亦同上得肉已乞乾脯亦同上得乾脯已乞諸精食亦如上說得精食已更乞麤食咸得惡作無犯者爲衆營事癡狂心亂痛惱所纏此是最初對說悔法如是應知酪生酥熟酥油糖蜜魚肉乾脯是此十對說法乞者皆犯如上廣說

緣在廣嚴城於此城中有一長者名曰師子得見諦理於佛聲聞衆深生正信所有資財供養三寶如是奉施家財罄盡資產悉空時具壽舍利子與大目連因行人間至廣嚴城其時師子聞二尊至速詣奉請明當就食俗旅譏嫌作如是語師子長者衣不覆身食不

充口皆由供養苾芻聞已白佛言汝諸苾芻可與師子學家羯磨更有斯類亦如是如常集衆令一苾芻作白羯磨應如是作大德尼僧伽聽此師子長者信心慇重意樂淳善隨其所有悉皆惠施佛法僧伽曾無憊心諸

有求人亦皆給與由是衣食悉皆罄盡若僧伽時至聽者僧伽應許僧伽今與師子長者作學家羯磨白如是羯磨准白應作若苾芻尼知僧伽作學家羯磨已不應往彼受其飲食牀座卧具及爲說法違者得惡作罪又因

十二衆尼先不受請往此家食以緣白佛佛問實呵責制其學處應如是說

若復苾芻尼知是學家僧伽與作學家羯磨苾芻尼先不受請便詣彼家自手受食食是苾芻尼應還村外住處詣苾芻尼所各別告

言大德我犯對說惡法是不應爲今對說悔是名對說法諸苾芻尼皆不往彼悉不爲受佛言應爲受牀坐上而食有餘菜茹及葉亦可爲受有小男女分與殘食廣嚴城人皆聞師子爲供養故今遭貧苦躬爲耕作收斂穀實倉庫豐盈是時師子詣世尊所白言大德我先有物皆爲供養佛法僧田致令罄盡今者家中多收穀實唯願世尊哀愍我故解學家法聽諸僧尼受我供養佛言諸苾芻應爲將軍解學家法應如是與僧伽悉集令師子隨次禮敬在上座前蹲踞合掌作如是語大德僧伽聽我師子先於三寶所深起信心意樂淳善常樂惠施由施三寶故以至貧窮由此僧伽哀愍我故作羯磨今諸聖衆不入我家我今財食還復豐盈然我師子先得衆法

今從大衆乞解羯磨唯願爲我解羯磨法慈愍故三說如是自己禮衆而去是時大衆應令一人准所爲事作白二羯磨解既作解已諸苾芻苾芻尼衆如昔還往隨受供養並皆無犯若復苾芻尼者謂此法中尼餘如上說學者謂信三寶證得見諦家謂四姓尼謂佛弟子羯磨者謂白二法於如是家先不受請輒往受食者得罪此中犯者於如是處受二五食噉咽之時同前得罪說悔如上若得解法食皆無犯又無犯者廣如前說

諸大德我已說十一波羅底提舍尼法今問

諸大德是中清淨不如是
三說

諸大德是中清淨第四部竟

第五部衆學法

諸大德此衆學法半月半月戒經中說

總攝頌曰

衣食形齊整 俗舍善容儀 護鉢除病人
湆唾過人樹

爾時世尊爲諸苾芻制衆多學法著衣噉食等所有軌儀諸苾芻尼皆須依學時諸苾芻尼雖聞教已未能依法著衣太高淨信婆羅門等見不齊整便生譏謔作如是語此諸苾芻尼衣不齊整同無恥人諸苾芻尼聞已白苾芻苾芻白佛佛言不應太高著衣應當學即著衣太下俗復譏嫌佛言不應太下著衣如新嫁婦女應當學或時當前長垂猶如象鼻或時腰邊細褶如多羅葉諸俗譏嫌佛言不應爾或時撮聚一角反摩腰邊猶如蛇頭佛言不應爾或時捉其上角圍內腰邊猶如豆圍佛言不應如是著衣應當學

七十一

十一

緣處同前時吐羅難陀苾芻尼著衣露腹事同姪女諸苾芻尼見共爲譏嫌告言聖者如是著衣應爲淨法吐羅尼曰我曾見諸宮內女人如是著衣尼白苾芻苾芻白佛佛言諸苾芻尼不應著衣露腹應當學

時諸苾芻尼或時高視或復高聲入白衣家諸俗譏嫌佛言不應高視入白衣舍應當學齊整著五衣應當學

緣處同前時十二衆苾芻尼於婆羅門長者家乞食顧視四方不爲庠序諸根掉動不觀前行入他舍時見諸端正男子欲心熾盛不淨流下乞得不得速便出外俗衆見已譏嫌禿沙門女實非淨行詐言淨行尼白苾芻苾芻白佛佛言苾芻尼若月期將至不應往他舍應當學

時十二衆苾芻尼覆頭偏抄衣雙抄衣叉腰
拊肩入白衣舍同無恥人及新嫁女諸苾芻
尼聞見譏嫌問言諸具壽豈合如此彼便答
言諸耽色男女皆如是作然我等不知欲求
相學白佛佛言不覆頭不偏抄衣不雙抄衣
不叉腰不拊肩入白衣舍應當學

時十二衆苾芻尼蹲行足指行跳行側足行

努身行乃至諸人譏嫌彼答同前佛言不蹲
行不足指行不跳行不側足行不努身行入
白衣舍應當學

時十二衆苾芻尼搖身掉臂搖頭排肩連手
入白衣舍諸人見譏亦同前說佛言不搖身
不掉臂不搖頭不排肩不連手入白衣舍應
當學

時耶波難陀於小食時著衣持鉢入室羅伐

城乞食時有婆羅門性樂清淨家有牀座耶
波難陀入坐牀上婆羅門見譏嫌佛言在白
衣舍未請坐不應坐應當學

時具壽耶波難陀夷有淨信婆羅門屈請就座而
坐不善觀察輒爾便坐於其牀上有一孩兒
遂便壓死佛言在白衣舍不善觀察不應坐
應當學

爾時世尊與聲聞衆受淨飯大王宮中供養
時具壽耶波難陀夷不善斂身令瞿曇夫人憚其
非法後於異時獨至宮中夫人令坐朽牀放
身而坐牀破倒地因致譏醜廣說乃至佛言
苾芻尼若於俗家坐時不應放身而坐可善
觀察應當學

或於俗舍墮足而坐或重內外踝而坐或急
斂足或長舒足或露身坐諸俗譏嫌佛言不

應如是當制學處

在白衣舍不墮足不重內踝不重外踝不急
斂足不長舒足不露身應當學

時有施主請佛及僧尼就舍而食其行食者
不善用心搬放美園苾芻尼於鉢不恭敬護

遂多損破佛言恭敬受食應當學

時十二衆苾芻尼入菩提長者舍乞食長者
與食滿鉢受飯復受羹臘鉢便溢滿流汙
地因生譏恥以事白佛佛制學處應如是說
不得滿鉢受飯更安羹菜令食流溢於鉢緣
邊留屈指用意受食應當學

或食未至預申其鉢如乞索人現饕餮相因
生譏恥佛言爲制學處應如是說行食未至
勿預舒鉢應當學

不安鉢在食上應當學

或復食時現嬌慢相猶如小兒及諸姪女佛
言不應如是嬌慢而食應恭敬食應當學
或復食時極小入口極大入口如貧乞人佛
言不應如是不極小搏不極大搏圓整而食
應當學

時有施主請佛及僧就舍而食時鄖波難陀
苾芻與摩訶羅苾芻隣次而坐時摩訶羅大
開其口向上而望時鄖波難陀便以土塊遙
擲口中報言且食此物佛言不應如是預張
其口若食未至不張口待應當學

時十二衆苾芻尼舍食言語諸俗譏嫌佛言
不應如是不得舍食語應當學

或復至施主家見羹菜少恐不充足先請得
羹以飯蓋覆更望多得諸俗譏嫌佛言不應
如是不得以飯覆羹菜不將羹菜覆飯更望

多得應當學

時有施主請苾芻食其食過甜十二衆即便彈舌相告謂食大醋或復過醋十二衆即便嘵嘵相告謂食大甜或有施主請二衆僧伽食其食過熱十二衆即便呵氣十四相告云食大

冷呵熱方食或其食過冷十二衆即便吹氣相告云食大熱吹氣方食此等皆是倒說其

事故惱施主佛言不應爾應制學處不彈舌食不嘵嘵食不呵氣食不吹氣食應當學

或時六衆受請食其食過冷十二衆即便呵氣十五相告云食惡共相毀訾或復以食填頰細細取食或復食時齧半留半或復舒舌舐掠脣

口佛言應制學處不手散食不毀訾食不填頰食不齧半食不舒舌食應當學

時有露形外道鄖波索迦近生敬信歸佛法

僧遂請佛就舍而食行諸飲食及以麩團薄餅蘿菔是時六衆欲譏施主便以麩團作窣堵波像上安蘿菔覆以薄餅遂相告曰此是惡趣中露形外道脯刺擎塔漸取食之蘿菔便倒更相告曰此是露形外道作窣堵波今便崩倒施主見已息歸敬心佛言應制學處不作窣堵波形食應當學

或時六衆受他請食其美好者有餘著手中即便以舌重舐其手鉢亦如是或是振手或復振鉢謂以鉢水振灑餘人汙彼衣服見他好衣生嫉妬故佛言如是等皆不應作應當學

時有施主飯食衆僧報言聖者多有好食莫多請麩六衆不信便多受麩後見好食欲棄其麩比座有一摩訶羅苾芻四顧而望于時

六衆苾芻便持妙團置彼鉢內遂令溢滿不暇受餘佛言當看鉢食應當學

時有苾芻食時鉢滿六衆傍觀共生輕慢云此摩訶羅能噉食佛言不輕慢心觀此座鉢中食應當學

時六衆苾芻以不淨手捉淨水瓶遂令諸蠅競來附近招致譏醜佛言不以汙手捉淨水瓶應當學

時苾芻尼在江猪山於菩提長者高樓上食以洗鉢水棄在好地施主生嫌佛言應制學處在白衣舍不棄洗鉢水除問主人應當學緣在室羅伐城時有婆羅門孩兒遇病有鄧波索迦是彼知識來告之曰孩子若病宜往僧處從諸苾芻乞鉢中水令其洗沐必得平善時婆羅門即往求水見邬波難陀從乞鉢

水邬波難陀便以殘麩餅內置鉢水中而授與彼見雜水起穢惡心作如是語我兒寧死誰能用此鄙惡之物而洗浴耶以事白佛佛言不應以此穢水持施於人若人來乞鉢水時應淨洗鉢置清淨水誦經中要頌阿利沙伽他呪之三偏授與彼人或洗或飲能除萬病阿利沙伽他者謂是佛所說頌出聖教中若讀誦時有大威力但是餘處令誦伽陀者皆此類也即如河池井處洗浴飲水之時或暫於樹下偃息取涼而去或止客舍或入神堂踏曼荼羅蹠佛塔影障蔽尊容或大衆散時或城邑聚落或晨朝日暮禮拜尊儀或每食罷時或灑掃塔廟諸如此事類寔繁皆須口誦伽他奉行獲福若故心違慢或得惡作之罪第七十但以東川法衆比先不行故因注言知聖教之有在其伽他者即如頌云云也

世間五欲樂 或復諸天樂 若比愛盡樂千分不及一 由集能生苦 因苦復生集八聖道能超 至妙涅槃處 所爲布施者

必獲其義利 若爲樂故施 後必得安樂
佛言不得以殘食置鉢水中 應當學
時有苾芻安鉢地上下無襯替招致譏醜令
疾損壞佛言應制學處地上無替不應安鉢

應當學

時有尼立洗鉢失手墮地打破其鉢佛言不
立洗鉢應當學

時有尼於危險崖岸置鉢佛言不應爾不於
危險岸處置鉢應當學河水急流逆以鉢攀
遂令鉢破佛言不應爾不得逆流酌水應當
學

十二衆尼前人坐自己立爲其說法時有敬
信三寶婆羅門居士等譏呵佛言不應爾人
坐已立不爲說法應當學

時有病人不能久立聽法佛言若是病人坐

卧高下於道非道及以車乘著靴覆頭冠華
瓔珞持蓋刀仗并著甲冑等若是病者隨何
威儀爲說無犯非病不合爲制學處當如是
說

人坐已立不得爲說法除病應當學

人臥已立不得爲說法除病應當學

人在高座已在下座不得爲說法除病應當

人在前行已在後行不得爲說法除病應當
學

人在道已在非道不得爲說法除病應當學
不得爲覆頭者不爲偏抄衣不爲雙抄衣不
爲叉腰者不爲拊肩者說法除病應當學
不爲乘象者不爲乘馬不爲乘譽不爲乘車
者說法除病應當學

不爲著履靴鞋及履屨者說法除病應當學
不爲戴帽著冠及作佛頂髻或纏頭或冠花
者說法除病應當學

不爲持蓋者說法除病應當學

不爲持蓋者說法除病應當學

緣在劫比羅城時吐羅難陀立大小便諸俗
人見共作譏嫌佛言不應爾不立大小便除

病應當學

時吐羅尼持己故衣令浣衣人洗彼不肯洗
便起瞋心於彼洗衣水中故放不淨佛言不
應爾不得水中大小便湊唾除病應當學

緣在室羅伐城時有施主請僧受食時看寺
人恠其遲晚恐日時過遂上高樹望彼歸來
時有俗旅見而譏笑沙門釋子升上高樹與
俗何殊佛言不應爾不上過人樹時有苾芻
尼爲繫染繩不敢升樹復有虎狼難至亦不

敢升因被殘害佛言不得上過人樹除爲難
緣應當學

七滅諍法

攝頌曰

現前并憶念 不癡與求罪 多人語自言
草掩除衆諍

佛告諸苾芻尼有七滅諍法應當修學

應與現前毗奈耶當與現前毗奈耶應與憶
念毗奈耶當與憶念毗奈耶應與不癡毗奈
耶當與不癡毗奈耶應與求罪自性毗奈耶
當與求罪自性毗奈耶應與多人語毗奈耶
當與多人語毗奈耶應與自言毗奈耶當與
自言毗奈耶應與草掩毗奈耶當與草掩毗
奈耶若有諍事起當以此七法順大師教如
法如律而殄滅之

忍是勤中上 能得涅槃處 出家惱他人

不名沙門尼

此是毗鉢尸如來等正覺說是戒經

明眼避險途 能至安隱處 智者於生界

能遠離諸惡

此是尸棄如來等正覺說是戒經

十九

不毀亦不害 善護於戒經 飲食知止足

受用下卧具 勤修增上定 此是諸佛教

此是毗舍浮如來等正覺說是戒經

譬如蜂採花 不壞色與香 但取其味去

尼入聚落然

此是俱留孫如來等正覺說是戒經

不違逆他人 不觀作不作 但自觀身行

若正若不正

此是羯諾迦如來等正覺說是戒經

勿著於定心 勸修寂靜處 能救者無憂
常令念不失 若人能惠施 福增怨自息
修善除衆惡 惑盡至涅槃

此是迦攝波如來等正覺說是戒經

一切惡莫作 一切善應修 徒調於自心

是則諸佛教 護身爲善哉 能護語亦善

護意爲善哉 盡護最爲善 尼若護一切

能解脫衆苦 善護於口言 亦善護於意

身不作諸惡 常淨三種業 是則能隨順

大仙所行道

此是釋迦如來等正覺說是戒經

毗鉢尸式棄 毗舍俱留孫 獢諾迦牟尼

迦葉釋迦尊 如是天中天 無上調御者

七佛皆雄猛 能救護世間 具足大名稱

咸說此戒法 諸佛及弟子 咸共尊敬戒

恭敬戒經故 獲得無上果 汝當求出離
 於佛教勤修 降伏生死軍 如象摧草舍
 於此法律中 常爲不放逸 能竭煩惱海
 當盡苦邊際 所爲說戒經 廣釋戒要義
 當共尊敬戒 如犛牛愛尾 我已說戒經
 衆僧長淨竟 我已說戒經 皆共成佛道

卷十

二十

根本說一切有部苾芻尼毗奈耶卷第二十

音釋

淳	壯士切	阿笈摩	梵語正云阿達婆外環
珮	環粗也切	道書名笈極曠切	瑞都郎切充刷籠梳
脢	山刷數滑切	胡關切	耳之珠也
也	指切並理髮之器也	臂鐸也	子旦切
也	指切並理髮之器也	瑞都郎切充刷籠梳	子旦切
也	指切並理髮之器也	瑞都郎切充刷籠梳	兩括

持斐父跳躍也 **壘** 猶疊也 **踝** 力軌切 **踝** 胡瓦切
 桑葛切 **鉢緣** 謂鉢以絹切 **緣** 餐餐切 **迦** 賦也 **迦** 賦也
 切散他結 **嚙** 嚙補各切 **嚙** 子立 **掠** 拿也 **掠** 賦也
 爾切飪也 **掠** 賦也 **蘿菔** 蘿魯何切 **蘿** 蘿也 **蘿** 蘿也
 切飪也 **拂** 拂也 **蘿** 蘿也 **蘿** 蘿也 **覩** 窥替也
 初拂俱願切 **滿** 滿也